

道元卷之一百二十二

<p> 法序 昔邵阳雷公於南岳衡山祝融峰顶，得遇六波天主帝君，授以三阳五雷之道，使之掌风雷之政。凡天下水旱人民疫疠，皆隶之焉。昔六波天主帝君，乃以都天大雷火印，并三阳五雷神火之印，及雷霆都司符玺，悉以付之。自是邵阳雷公颐指神炁，使风雷立至。积久而有大功，闻於上帝，遂诏封为三五邵阳雷公火车将军，以掌中斗大魁五雷之政。复命四帅，乃闾、卫、任、郑，降於湖南邵阳之境，与邵阳雷公互相统属，同主雷霆之事。是时黑云蔽天，雄风刮地，雷声徧於山谷，电影现於丘闾。如是三日，然后开霁。故此邵阳五帅立为一司，其威力英猛雄烈，举世莫有知者。昔晋旌阳县令许君逊，隐於豫章之西山，后数年丹成，得九天灵剑之术，飞神驭炁於西山之上，专以伐蛟为心。蛟精知之，遂遁於潭州之境。上帝闻知，乃降诏以此书赐许君，以斗府雷雨判官为职，仍以邵阳五帅为将。诏立邵阳五雷元帅之司，以斗府雷雨判官掌之，以邵阳五帅辅之。因此许君遂得风雷之权，蛟精寻亦剿绝。此事乃吴猛丁义二君当时得其传流，年代更变，流传至今。其有得是书者，亦须秘受。当体旌阳许君所得之意，及邵阳五帅所聚之因。古甚秘之，亦莫有传之者。独吴丁二君振其源矣。故旌阳飞升之后，其事不载於家传，盖无人知此也。但得邵阳之法者，当知之。敬书数语，以冠法书之首云。泥丸道人陈楠南木稽首敬书。主法 高上神霄玉清真王长生大帝。雷霆都司元命真人。九州都仙太史高明大使神功妙济真君。

传法主教六波天主帝君，雷霆教主玉枢青灵帝君辛忠义，主将邵阳雷公五员各主一方 三五铁面邵阳雷公火车大将军闾不渐，三头五臂，大眼睛放金光，有髭髯，铁面青黑色，黑帽皂销金袍，脚踏火车、一手雷钻，一手雷槌，一手雷印，一手火球，一手金枪，背负火瓢，瓢中出火飞空。本将主东方。西兑白殿八灵八猖邵阳将军卫贞，上身如五通相，红袍帽子，下身鱼尾最细之身，左手执钻，右手执斧，身带大火球，红焰中立。主西方。三五邵阳主帅风火大将军任运力，状如五雷使者，卷云冠，金甲青衣金束带，两手执雷斧。主南方。三五邵阳雷公

火车大将军邵阳公弼，五雷使者相，似唐吴道子所画真武像，黑衣金束带，两手雷钻。主北方。三五火车雷公邵阳将军郑彻灵，如五雷使者状，黄衣金束带，两手持剑，剑上飞火。主中央。右元帅五员，召而用之，驱邪治病，剪蛊除瘟，扫灭尸疗，收斩妖精，兴云起雷，封山破庙，祈晴祷雨，随意役使。小事默念小招呼之，急事厉声指名召之，大事则用符牒以差遣任意。苍牙霹雳大仙谢仙火虎头熊耳象牙，鸟喙，龙爪鹿角，额上一小羊头，浑身龙甲，手足上各有一蛇，乃四蛇缠于手足，蛇各吐火。啸命风雷使者张可烈，猪首相，身披金甲，手执黄旗，旗有雷令字。霹雳号黑使者陈知常，如五雷使者状，身在黑云中，手执火把。散云叻黑使者钱雄飞，状如天丁力士，身在黑烟中，手托火球。黑猪铁狗大将鞠阳奴，人面白容，黄包巾，青抹额，红袍豹皮褙，手执雷斧，左手雷钻，前后有火，前火中有一黑猪，后火中有一黑铁狗。火鹰腥烟大将霍天寿，黑面，蓬头赤发，三目，身着黄衣，手击一鹰，鹰嘴吐火，前三鹰，踏火轮，在黑烟中立。紫陵雷令赫奕使者童可烈，龙头象鼻，身着黄衣，足皆虎爪，一手执雷斧，一手提人头。南陵火铃使者许仙定，头如老鸦，鬼质猪足，踏三脚鳖。五雷总管使者陈鸾凤，头如老鸦鬼相，两手执斧，红袍黄飞带，猪脚，腿皆鱼鳞，两眼出金光，口吐火。右将校九员，凡有申奏行持，收捉救治，并皆可以召而用之。初差一员，不验则摧之，以别召一员往也。然将校皆威烈，须至诚存思，召到则严厉而遣之，随手即应，任意差役。凡欲如何，但心存口祝而遣之，必验，不待催促。其去则如风火。将吏姓名不可漏泄。行法之士亦须自秘，轻泄其讳，自有冥考，从微至着，天谴雷轰。在乎每事严肃，非惟将吏用命，而鬼神闻则亦丧胆矣。魁台子时直符神吏黄荆，老鸦头，白花马脚，黑抱豹皮褙，黄飞带，背负火瓢，手执黄旗，上有雷令二字、身在黑云中，部下三十六人皆兵甲黑旗，中有雷电风雨。魁台丑时直符神吏刘振，牛头黑花羊脚，黄袍豹皮褙，背负火瓢，青飞带，手执斧钺，身在黄云中，部下三十六人皆兵甲黄旗，中有雷电风雨。魁台寅时直符神吏呼风哑，虎头黄花猴脚，青抱豹皮褙，背负火瓢，白飞带，手执剑，身在青云中，部下三十六人兵甲青

旗，中右风雨雷电。 魁台卯时直符神吏荣耀灵，白蓬^黄花鸡脚，青袍白飞带，豹皮褙，背负火瓢，手执铁棒，身在青云中，部下三十六人兵甲青旗，中有风雨雷电。 魁台辰时直符神吏咄黎遮，龙头黑花狗脚，黄袍豹皮褙，青飞带，背负火瓢，手执雷斧，身在黄云中，部下三十六人兵甲黄旗，中有风雨雷电。 魁台巳时直符神吏冰鳩驴，蛟头青花猪脚，红袍黑飞带，豹皮褙，背负火瓢，左手雷钻，右执雷斧，身在赤云中，部下三十六人兵甲赤旗，中有雷电风雨。 魁台午时直符神吏暖炎寮，马头青花鸦脚，红袍黑飞带，豹皮褙，背负火瓢，手执火球，身在赤云中，部下三十六人兵甲赤旗，中有雷电风雨。 魁台未时直符神吏石阿雄，羊头黑花牛脚，黄袍青飞带，豹皮褙，背负火瓢，两手执大刀，身在黄云中，部下三十六人兵甲黄旗，中有雷电风雨。 魁台申时直符神吏旭执圭，狮子头红花虎脚，白袍红飞带，豹皮褙，背负火瓢，右手执刀，左手提人头，身在白云中，部下三十六人兵甲白旗，有风雨雷电。 魁台酉时直符神吏多伯言，鸡头红花白拍_，白袍红飞带，豹皮褙，背负火瓢，手执火把，身在白云中，部下三十六人兵甲白旗，中有雷电风雨。 魁台戌时直符神吏孙贞耳，犬头黑花龙脚，黄袍青飞带，豹皮褙，背负火瓢，手执铁山字叉，身在黄云中，部下三十六人兵甲黄旗，中有风雨雷电。 魁台亥时直符神吏吴猛，猪头白花蛟脚，黑袍黄飞带，豹皮褙，背负火瓢，手执蛇，身在黑云中，部下三十六人兵甲黑旗帜，中有雷电风雨。 右十二神史，子时则掐子文，向西北方吸北炁一口服之，丁立而召黄荆，其余时辰效此例。其神史乃是五方之精，四象之灵，属邵阳掌之，在雷部之中分为十二司之列，以司十二时，散於分野，以运雷霆，每一时有此一员神吏管押雷兵，驱雷散云，兴风作雨。故凡行此邵阳雷法者，此为最要。子时则差黄荆，其余时点差别名。可以驱雷起风，捉鬼缚神，救民疾苦，伐恶破庙，用去则灵。凡有申奏行移，但遣之赍持驰往则达，灵应尤速。小事则心存目想，召到遣行。大则符牒金钱甲马，用魁台总符一道，用印印之，然后步罡召到。子时将吏符牒就子方焚之，则天罡炁随后助之，尤佳速验。此十二神史亦名邵阳直符也。亦曰五方蛮雷也。 右符用雷击枣木刻之，阳日朱印，阴

日墨印。驱邪治病，破庙斩精，召致风云雷雨则用之。 右符用雷击枣木刻之，以醋调生朱砂印之。专以发号施令，役使风雷，区别人鬼，统摄雷部将吏行用。 右符用杨木或桃木刻之，以鸡血调辰砂印之。掌云雨权衡，发雷霆号令，治病驱邪，除瘟却蛊行用。 右符用铁铜铸模刻之，酒调朱砂印之。乃能兴雷致雨，起云发电，斩凶破邪，却蛊驱瘟，封山破洞。 右符用生铁铸模刻之，以猪血调朱砂涂印。能兴云起风，缚龙卷水，吞魔食鬼，震动乾坤。 右符用枣木刻之，以雄黄雌黄或朱砂调印。乃邵阳心符，又邵阳雷公之号令也。能斩妖缚邪，驱瘟却蛊，扫除尸疗，安镇户庭，治疗百病，安魂定魄，收摄土煞，护身保命，断绝不祥。凡用则印於前五符后。或专用此符尤妙。 天皇伽耶霹雳摄。召横天霸混元伯用。 三五铁面邵阳火车大将军，西兑白殿八灵八猖邵阳将军，三五邵阳主将风火大将军，三五邵阳雷公火车将军，火车雷公邵阳将军，急急如五雷律令。 上帝敕下，邵阳雷公，雷光焕赫，黑云奔冲，闪烁霹雳，符到急行。火车火炬，八灵八猖。飞电玉女，掷火神王，雷声电光，猛彻天苍。乘风走雾，震动威灵。邵阳雷公，急起急起。 皇天苍苍，皇地冥冥。上帝有敕，坎雷发声。神霄诰命，火急施行。邵阳雷公，火车将军。背负火瓢，足蹶火轮。役使风雷，徧布黑云。火鹰腥烟，雷车前轰。黑猪铁狗，撼动乾坤。散云叻黑，振动南陵。霹雳□黑，雷阵飞天。邵阳雷公，随符急起。一如律令。 神霄敕下，巽户枢台。欵火元帅，啸命风雷。天关地轴，火急奔催。乌云斗变，飞风欵来。五方蛮雷，击鼓斩摧。八方云雷，震动九垓，四溟大神，无辄徘徊。飞天雷公，烧鬼为灰。横天雷公，吹庙成灰。猛风飞鸦，后合前开。左右雷阵，猛发霹雳。今日告命，不得违停。寸斩不赦，粉骨碎身。邵阳将军，随符即行。吾在坛前，立伺报应。急急如律令。 唵吽吽三檀那韩难延乾夷敕。敕起九天都火部，无边大力神王。敕起九天雷火，电火，飞火，欵火，流火，掷火，七星霹雳火，炎雷烈火。九天都火雷王，严驾夔龙，坐骑飞虎，狮子白牛獬豸麒麟，火驼火象，火雕火马，火兽万群，铜头铁面，百万神兵。五帝节铁，四天。帝锤震动，魔道皆惊。洞天福地，岳渎幽灵。山倾水陷，百谷沸腾。何神敢当，不伏顺行。

。巨口风王，火郎火吏。从天下降，丙丁涌出。火云布炁，八龙飞奔。都天五将，啖雷发声。飞沙走石，拔树移根。风轮左拥，火车右行。照耀三界，化作赤城。八卦斗底，雷布四维。霹雳声震，法雨潜施。威罩天下，炎炎烈威。鬼精见者，入地万丈，化作飞灰。古木恶庙，永劫尘迷。急急如九天都火王大威德元帅风轮火轮律令敕。邵阳公弼、闫不渐、任运力、郑彻灵、卫贞急起急行，急至急至。 唵呕嘻口维咄咄哩咤。吾召汝名天下知。邵阳雷公五帅将军，闻呼即至，闻召即临。疾。唵咤咤波咤波口伽马晟咭哩顺帝暗菩提野伽末伽火支火拨火轮盘盘嘉律哈哈审审诛诛百灵和噓帝叱咤婆推诃金头宾那郭吉必刁真如帝微沙三昧乌精火尼帝孽帝诃句尼句尼娑苏咤诃。 右邵阳雷公咒七道，若大事则厉声念，小事则默念，若急事则一炁念三遍，随咒短长，或五七遍，或二十一遍。念讫，取雷次舍炁吹入符及水中。 邵阳雷司将校符九道 右符黄纸朱书，合口闭炁书符，上用印，加一火一煞字涂之。此符乃治山魃，石洞妖魔，古冢伏尸，产死伤亡等鬼用之。以金钱甲马同符焚，仍特祝谢仙火统领雷兵起雷，大阐威灵。用牒则尤紧切。 右符上用印，加一□一雷一急字於黑圈内，然后左右涂七转，起笔。以青纸粉书，合口闭炁雷局而书。此符专委张将军统兵起雷，煞伐妖精。用金钱云马，就于巽方呼召，焚化发遣。治病则化灰以水调服，镇贴佩带亦妙。 右符用青纸粉书，足下加一鬼急一煞字，五事涂，一事书，则合口闭炁。符乃兴云致雨，驱除瘟疫，专委陈使者前往某处，统兵起雷行事。用金钱云马，就于卯方焚化发去，以待报应。治疗则焚灰调水而服。 右符用黄纸墨书，合口闭炁书成，符内加一□一煞一雷字于黑圈内，七转出笔。能兴雷电云雨，可治山魃五通，木下妖怪，石洞精魅，专委钱使者统兵行事。用金钱云马同符焚化发遣，或烧灰调服。此符上一截可以佩带。 右符用黄纸墨书，焚香，合口闭炁，握雷局书成。加八火一煞字八黑点内，各七转笔。此符能起神煞，伏土炁，治丧车木角，安镇户庭，或用栢木板以朱符钉挂门楣上。专委许使者行事。或捉邪鬼山魃怪。金钱云马焚遣。贴佩服皆可用之。 右符用黄纸朱书，至诚焚香，闭炁握雷局书。加三火一雷一煞入内，五字相迭，七七转笔，或二十五转

出笔。其符专委鞠使者统兵行事，前往某处。用金钱甲马焚遣。能追摄精怪，救民疾苦。或用青石一枚，朱书符于上，埋於中庭，以镇官符口舌，及治精魅。妙在祝将发遣，佩带亦可。 右符用黄纸朱书，合口闭炁，握雷局书成。内加一雷一火一煞字入雷圈内，七转笔。专差霍使者统兵。用金钱甲马焚遣，往某处。能追捉精怪邪魅，救民疾苦。或用青圆石一枚，朱书符，埋艮上，禳镇冤债尸疰劳瘵。尤在祝将行遣显验。

右符用黄纸朱书，合口闭炁，握雷局书。九黑圈用三火五雷一煞，各字圈内七转出笔。符仍须用金钱甲马同焚，专遣童使者统兵，呼召风雷，径往某处煞伐妖魅精怪，及淫祀能害人者。用则於乾上或巽上发遣，驱灭鬼形，摄伏顽邪。服亦可用。 右符用黄纸朱书，五圈内各一雷字，各七转笔。以金钱甲马焚之。存雷见於巽上，厉声呼召陈鸾凤使者统兵起雷煞伐。或用青圆石一枚，朱书符，祝将发遣，埋於戌方，掘地三尺埋之，以禳火精，煞伐妖邪不正神祟。 北斗七星，灌注雷霆。天罡所指，五雷急起。上帝所敕，立动霹雳。啸命风雷，飞砂走石。急急即速速。 一起雷车，二起闪电。三起喧轰，四起震动。五起飞砂走石，六起狂风大霹雳。织女四哥，勾娄咭哩，登僧得色。急急即速速。 天雷鸣，地雷鸣，神雷鸣，水雷鸣，社令雷鸣。 水雷霹雳，火雷霹雳，金雷霹雳，木雷霹雳，土雷霹雳。金木相攻，水火相击。吾呼五雷，火急霹雳，一如律令。 右三咒总一起念。凡书将校符时，念咒尽，符成。否则闭炁书讫，再一炁念咒三遍，或五七遍，然后取雷舍次炁吹布于符及水中，存符光万丈，雷声震动天地。 右符用枣木刻，黄纸为符地。阴日墨印，阳日朱印，印讫，须至诚焚香，左手持符，右手雷局，诵敕咒五七遍。如子时掐子文，面子方吸子炁服之，丁立而召。余效此例。烧符发牒，向本方焚之。此符乃差十二神吏用，妙在具述情由，祝白发遣。 律令大神，风火之尊。功博非细，乾坤。斩妖吞恶，缚鬼收魂。致雨倏忽，作晴顷分。随符咒召，来降巽门。飞砂走石，威动真灵。五方降炁，驱雷伏神。统领天将，煞伐妖精。救护群品，总摄雷霆。五雷捷将，元帅之尊。十二神吏，速降吾坛。神霄救命，符到奉行。急急如神霄雷祖大帝律令敕煞摄。

</p><p><a href = "/pdf/722-道元卷之一百二十二.p
df" rel="external nofollow" download="722-道元卷之一百二十二.
pdf" target="_blank">下载本文pdf文件</p>